

Այդ ի՞նչ մարդ էք բերել, ընտրել
 Ձեր աշխարհքին տեր ու իշխան.
 Թագաւորին չէք հարցրել
 Ու անպատուել այսպէս նրան:
 Շո՛ւտ, վա՛ր առէք այդ խոր պետին,
 Շղթա դրէք ձեռ ու ոտին,
 Հիմա կգա թագաւորը,
 Սեւացնելու դրա օրը:

ՆԱԶԱՐ.– (Դռդից ատամները կափկափելով, դեսուդեն է ընկնում) Բը՛, բը՛,
 բը՛, բը՛... Ես էլ քեզ խաթա... Տեսնե՞ք ո՞նց ես պրծնում:

ՂՈՌՈԲՈՒՂԱ.–

Կորի, գնա, անխելք մաարդուկ,
 Քաաջ Նազարին չէք տեսել դուք,
 Տեսնել էք ձեր թագաւորին,
 Մժեղ-մլաակ ձեր զօրքերին:
 Գնա, ասա թագաւորին,
 Որ էլ իրեն չենք ճանաչում,
 ճանաչում ենք Քաջ Նազարին,
 Աստուած՝ վերեւ, նա մեր միջում:

ԴԵՍՊԱՆ.–

Կերթամ կասեմ թագաւորին,
 Գա սեւ կապի թող ձեր օրին: (Գնում է:)

ՆԱԶԱՐ.– (Ճամփա որոնելով փախչելու) Ջա՛նըմ, ես իմ ձին ո՞ր տարան:
 (Ման է գալիս անհանգիստ:)

ՂՈՌՈԲՈՒՂԱ.– (Հսկաներին)

Հա՛մմմ, գէէնք կապէք, պատրաստուեցէք:
 Քաաջ Նազարին հետեւեցէք:
 Եկե՛ք մեջտեղ՝ շարուէք մի-մի,
 Կռիի՛ւ պիտի բացուի հիմի:

Փողեր են փչում:

ՍՈՒՆԵՏԻԿ.– Թշնամիները երեւացի՞ն...

ՂՈՌՈԲՈՒՂԱ.– Հա՛մ... Բեերէք շուտով Նազարի ձին,